


ների համար, մեր կեանքը այլևս չի կարող վերջանալ, նա կըլինի Աստուծոյ մի մասնիկը, որ միշտ եղել է, է և կըլինի, և մենք բարիք պէտք է գործենք ոչ թէ դիտօքի երկիրդից օտարութեամբ կամ դրախտին արժանի լինելու յուսով, այլ նրա համար, որ հոգևոր կեանքով ապրելով, մարդ չի էլ կարող ուրիշ բան ցանկանալ, բացի բարուց: Իսկ հաւատարմով իւր հոգևոր լինելուն, մարդ չի կարող վախենալ մահից, ոչնչանալուց:

Իսկ այն բանի մասին, թէ ինչպիսի կեանք պիտի ունենայ յետոյ, հոգևոր կեանքով ապրող մարդը չի հոգում՝ հաւատարմով Հօր-Աստուծուն, Որից նա առաջացել է և դէպի Որը գնում է և Որի մէջ ապրել է, ապրում է և պիտի ապրի:

Թարգմ. Մամբրէ վարդապետ.




Մ Ա Յ Ր Ա Թ Ո Ռ

Դեկտեմբերի 22-ին Սինոդի շրջաբերականի համաձայն Ազուլիս ուղևորուեց Սինոդի անդամ տէր Մատթէոս վարդապետը Երևանի թեմի այդ կողմը բեիզիայի ենթարկելու և մի ամուսնալուծական խնդրի մասին քըննութիւն կատարելու:

Նոյն նպատակաւ դեկտեմբերի 25-ին Բաքու ուղևորուեց Սինոդի անդամ տ. Բաբգէն վարդապետը Շամախու թեմի բեիզիայի համար:

Բաքու քաղաքի գործակալ և եկեղեցեաց բարեկարգիչ նշանակուեց տ. Զաւէն վարդապետը:



Ամուսնացողներից բժշկական վկայական պահանջելու որոշումը որ տեղի ունեցաւ նոյեմբերին ս. Սինոդի կողմից, մեր ստացած տեղեկութիւնների համաձայն գոհունակութիւն պատճառեց հայ ժողովրդին և մի քանի տեղերից ստացուեցին գոհունակութեան հեռագիրներ:

Նոյնպիսի տպաւորութիւն է թողել և թեմական ատեաններն ու թեմերը բեիղիայի ենթարկելու որոշումը: Հաւատացնում են, որ շատ տեղ անշարժ մնում են բազմազան զեղծումների վերաբերեալ գործեր, թէպէտ նրանք վերաքննուած և հաստատուած են մի քանի քննիչների ձեռքով: Այդպիսի անփութութեան մէջ մեղադրում են թեմական Ատեանների կազմը, որոնք այդ գործերը թողել են անշարժ այլ և այլ դիտաւորութիւններով՝ գուցէ այդպիսով խրախուսելով յանցաւորութեան տրամադրութիւնը: Նամակագիրները յոյս են տածում, որ Սինոդի նոր որոշմամբ վերջապէս յետ կը քաշուի տասնեակ տարիների ընթացքում այդ գործերի վրայ քաջուած «մինդարը», և յանցաւորները կ'արժանանան օրինաւոր պատժի ի խրատ և ի զգուշութիւն այլոց:

Կատարեալ յաջողութիւն մտղթելով առաջին քննիչներին, յոյս ունինք, որ կը կարողանան վերջ դնել խնամութեան և այլ կապերի շնորհիւ տասնեակ տարիների ընթացքում յանցաւորներին ծածկելու կորստաբեր սովորութիւններին:

